

閒

情

偶

寄

閒情偶寄十二卷目次

飲饌部

蔬食第一

笋

蕈

蓴

菜

瓜 茄 芋 山藥

葱 蒜 韭

蘿蔔

芥辣汁

穀食第二

粥飯

湯

糕餅

麵

粉

肉食第三

猪

羊

牛犬

鷄

鳶

鴨

野禽野獸

鱉

蟹

零星水族

附不載菓食茶酒說

閒情偶寄卷之十二

湖上笠翁李

漁著

壻沈心友因伯

金訂

男將芳漱六

餘饌部

蔬菜第一

吾觀人之一身。眼耳鼻舌手足軀骸。件件都不可少。其儘可不設而必欲賦之。遂爲萬古生人之累者。獨是口腹二物。口腹具而生計繁矣。生計繁而詐僞奸險之事出矣。詐僞奸

險之事出而五刑不得不設。君不能施其愛。育親不能遂其恩私。造物好生而亦不能不。遂行其志者。皆當日賦形不善。多此二物之。累也。草木無口腹。未嘗不生。山石土壤無飲。食。未聞不長養。何事獨異其形而賦以口腹。卽生口腹。亦當使如魚蝦之飲水。蜩蟬之吸。露。儘可滋生氣力。而爲潛蹤飛鳴。若是則可。與世無求而生人之患熄矣。乃旣生以口腹。又復多其嗜欲。使如谿蚊之不可厭多其嗜。

飲。又復洞其底裏。使如江海之不可填。以終
人。之。一。生。竭。五。官。百。骸。之。力。供。一。物。之。所。耗。
而。不。足。哉。吾。反。覆。推。詳。不。能。不。于。造。物。是。咎。
亦。知。造。物。于。此。未。嘗。不。自。悔。其。非。但。以。制。定
難。移。只。得。終。遂。其。過。甚。矣。作。法。慎。別。不。可。草
草。定。制。吾。輯。是。編。而。謬。及。飲。饌。亦。是。可。已。不
已。之。事。其。止。崇。儉。奢。不。導。奢。靡。者。因。不。得。已。
而。爲。造。物。傳。非。亦。皆。處。始。計。終。而。爲。衆。物。再
患。如。是。一。已。之。過。則。導。于。萬。人。之。嗜。欲。則。甚。

特禽獸昆蟲無噍類。吾慮風氣所開日甚一日。焉知不有易牙復出烹子求榮殺嬰兒以媚權奸如亡隋故事者哉。一悞豈堪再悞。吾不敢不以賦形造物視作覆車。

聲音之道。絲不如竹。竹不如肉。爲其漸近自然。吾謂飲食之道。膾不如肉。肉不如蔬。亦以其漸近自然也。草衣木食。上古之風。人能踈遠肥膩。食蔬藜而甘之。腹中菜羹。不使羊來踏破。是猶作義皇之民。鼓唐虞之腹。與崇尙

古玩同一致也。所怪于世者。棄美名。不居下。故異端其說。謂佛法如是。是則謬矣。昔輯飲饌一卷。後肉食而首蔬菜。一以崇儉。一以復古。至重宰割而惜生命。又其念茲在茲。而不忍或忘者矣。

筭

論蔬食之美者。曰清。曰潔。曰芳馥。曰鬆脆而已矣。不知其至美所在。能居肉食之上者。祇在一字之鮮。記曰甘受和白。受采鮮。卽甘之所從出也。此種供奉。惟

山僧野老躬治園圃者。得以有之。城市之人向賣菜。而求活者不得與焉。然他種蔬食。不啻城市山林。凡宅旁有圃者。旋摘旋烹。亦能時有其樂。至于笋之一物。則斷斷宜在山林城市所產者。任爾芳鮮。終是笋之利義。此蔬食中第一品也。肥羊嫩豕。何足比肩。但將笋肉齊烹。合盛一簋。人止食笋。而遺肉。則肉爲魚而笋爲熊掌。可知矣。購于市者。且然。况山中之旋掘者乎。食笋之法。多端。不能悉紀。請以兩言概之。曰。素宜白水。葷用肥猪。茹齋者食笋。若以他物伴之。香滑。

和之則陳味奪鮮而笋之真趣沒矣。白煮俟熟。各加醬油。從來至美之物。皆利于孤行。此類是也。以之伴葷。則牛羊鷄鴨等物。皆非所宜。獨宜于豕。又獨宜于肥。肥非欲其膩也。肉之肥者。能甘。甘味入笋。則不見其甘。而但覺其鮮之至也。烹之既熟。肥肉盡當去之。卽汁亦不宜多存。存其半而益以清湯。調和之物。惟醋與酒。此製葷笋之大凡也。笋之爲物。不止孤行。並用。各見其美。凡食物中。無論葷素。皆當用作調和菜中之笋。與藥中之甘草同。是必需之物。有此則諸味。

皆鮮但不當用其渣滓而用其精液庖人之善治具者凡有焯笋之湯悉留不去每作一饌必以和之食者但知他物之鮮而不知有所以鮮之者在也本草中所載諸食物益人者不盡可口可口者未必益人求能兩擅其長者莫過于此東坡云寧可食無肉不可食無竹無肉令人瘦無竹令人俗不知能醫俗者亦能醫瘦但有已成竹未成竹之分耳

葷

求至鮮至美之物于笋之外其惟葷乎葷之爲物也

無根無蒂忽然而生蓋山川草木之氣結而成形者也然有形而無體凡物有體者必有渣滓既無渣滓是無體也無體之物猶未離乎氣也食此物者猶吸山川草木之氣未有無益于人者也其有毒而能被入者本草云以蛇蟲行之故予曰不然輩大幾何蛇蟲能行其上況又極弱極脆而不能載乎蓋地之下有蛇蟲輩生其上適爲毒氣所鍾故能害人毒氣所鍾者能害人則爲清虛之氣所鍾者其能益人可知矣世人辨之原有法苟非有毒食之最宜此物素食

固佳。作以少許葷食尤佳。蓋葷之清香有限而汁之鮮味無窮。

葷

陸之葷水之葷皆清虛妙物也。予嘗以二物作羹。和以蟹之黃魚之肋。名曰四美羹。座客食而甘之。曰。今而後無下箸處矣。

菜

世人製菜之法可稱百怪千奇。自新鮮以至于醃糟醬臘無一不曲盡奇能。務求至美。嚼十起。觀其

事缺焉不講予甚惑之。其事雖何有八字訣云摘之務鮮洗之務淨務鮮之論已悉前篇蔬食之最淨者目笋曰輩曰豆芽其最穢者則莫如家種之菜灌之際必連根帶葉而澆之隨澆隨摘隨摘隨食其清濁多有不可問者洗菜之人不過浸入水中左右數漉其事畢矣孰知污穢之濕者可去乾者難去日積月累之糞豈頃刻數漉之所能盡哉故洗菜務得其法併須務得其人以懶人性急之人洗菜難之乎弗洗也洗菜之法入水宜久久則乾者侵透而易去

洗菜用刷。刷則高低曲折處皆可到。始能滌盡無遺。若是則菜之本質淨矣。本質淨而後可加作料。可盡人工。不然是先以污穢作調和。雖有百和之香。能敵一盤之臭乎。噫。富室大家。食指繁盛者。欲保其不食污穢難矣哉。

菜類甚多。其傑出者則數黃芽。此菜萃于京師而產于安肅。謂之安肅菜。此第一品也。每株大者可割數斤。食之可忘肉味。不得已而思其次。其惟自下之菜。并乎予自移居白門。每食菜食葡萄。輒思都門食笋。食

馬豆輒思武陵物之美者。猶令人每食不忘兒爲道
師授餐之人乎。

菜有色相最奇。而爲本草食物志諸書之所不載者。
則西秦所產之頭髮菜是也。予爲秦客。傳食于塞上。
諸侯一日脂車將發。見炕上有物儼然亂髮一捲。謔
謂婢子御髮所遺。將欲委之而去。婢子曰。不然。群公
所餉之物也。詢之土人。知爲頭髮菜。浸以滾水。拌以
鹽醋。其可口倍于藕絲鹿角等菜。雖歸餉客。無不奇
之。謂珍錯中所未見。此物產于河西。爲值甚賤。凡適

秦者皆爭購異物。因其賤也。而忽之。故此物不至通都見者絕少。由是觀之。四方珍物之中。其可貴者。不知凡幾焉。得入人物色之。髮菜之得至江南。亦千載一時之至幸也。

瓜茄瓠芋山藥

瓜茄瓠芋諸物。菜之結而爲實者也。實則不止當菜兼作飯矣。增一筮菜。可省數合糧者。諸物是也。一事兩用。何儉如之。貧家購此。同于糴粟。但食之各有其法。煮東瓜。絲瓜忌太生。煮王瓜。甜瓜忌太熟。煮茄瓠。

利用醬醋而不宜于鹽者芋不可無物件之蓋芋之
本身無味借他物以成其味者也山藥則孤行並用
無所不宜併油鹽醬醋不設亦能自呈其美乃蔬食
中之通材也

葱蒜韭

葱蒜韭三物菜味之至重者也菜能芬人齒頰者香
椿頭是也菜能穢人齒頰及腸胃者葱蒜韭是也椿
頭明知其香而食者頗少葱蒜韭盡識其臭而嗜之
者衆其故何歟以椿頭之味雖香而淡不若葱蒜韭

之氣甚而濃濃則爲時所爭尚甘受其穢而不辭
則爲世所共遺自薦其香而弗受吾于飲食二道悟
善身處世之難一生絕三物不食亦未嘗多食香齋
殆所謂夷惠之間者乎

予待三物有差蒜則永禁弗食葱雖弗食然亦聽作
蔬和韭則禁其終而不禁其始芽之初發非特不臭
且具清香是其孩提之心之未變也

蘿蔔

生蘿蔔切絲作小菜拌以醋及他物用之下究最宜

但似其食後打噯。噯必穢氣。予嘗受此厄。于人知人之厭我。亦若是也。故亦欲絕而弗食。然見此物大異。慈蒜生則臭。熟則不臭。是與初見似小人而卒爲君子者等也。雖有微過。亦當恕之。仍食勿禁。

芥辣汁

菜有具薑桂之性者。平日有辣芥是也。製辣汁之芥。子陳者絕佳。所謂愈老愈辣是也。以此拌物。無物不佳。食之者如遇正人。如聞議論。困者爲之起倦。悶者以之豁襟。食甘之爽味也。予每食必備。竊比于夫子。

附錄卷之三

之不撤薑云。

穀食第二

食之養人全賴五穀使天止生五穀而不產他物則人身之肥而壽也較此必有過焉保無疾病相煎壽夭不齊之患矣試觀鳥之啄粟魚之飲水皆止靠一物爲生未聞于一物之外又有爲之餽饌酒漿諸飲雜食者也乃禽魚之死皆死于人未聞有疾病而死及天年自盡而死者是止食一物乃長生久親之道也人則不幸而爲精腴所誤多食一物多

受一物之損傷。少靜一時。少安一時之滯泊。
其疾病之生。死亡之速。皆飲食太繁。嗜慾過
度之所致也。此非人之自誤。天誤之耳。天地
生物之初。亦不料其如是。原欲利入口腹。執
意利之反。以害之哉。然則人欲自愛其生者。
卽不能止食一物。亦當稍存其意。而以一物
爲君。使酒肉雖多。不勝食氣。卽使爲害。當亦
不甚烈耳。

粥飯一物。爲家常日用之需。其中機發。無人不曉。焉
用越俎者。強爲致詞。然有喫緊二語。巧婦知之。而不
能言者。不妨代爲喝破。使姑傳之媳。母傳之女。以兩
言代千百言。亦簡便利人之事也。先就麓者言之。飯
之。大病在內生外熱。非爛卽焦。粥之。大病在上清下
淀。如糊如膏。此火候不均之故。惟最拙最笨者有之。
稍能煇爇者。必無是事。然亦有剛柔合道。燥濕得宜。
而令人咀之嚼之。有粥飯之美。形無飲食之至味者。
其病何在。曰。挹水無度。增減不常之爲害也。某喫緊

二語則曰粥水忌增飯水忌減米用幾何則水用幾何宜有一定之度數如醫人用藥水一鍾或銀半煎至七分或八分皆有定數若以意爲增減則非藥味不出卽藥性不存而服之無效矣不善執藥者用水不均煮粥常患其少煮飯常苦其多多則瀉而去之少則增而入之不知米之精液全在于水瀉去飯湯者非去飯湯去飯之精液也精液去則飯爲渣滓食之尙有味乎粥之既熟水米成交猶米之熟而爲酒矣慮其太厚而人之以水非入水于粥猶入水于酒

也。水入而酒成，糟和其味，尚可咀乎？故善烹中饋者，挹水時必限以數，使其勻，不能增滴，無可減，再加以火，候調勻，則其爲粥爲飯，不求異而異乎人矣。

譙客者，有時用飯，必較家常所食者爲稍稍精，精用何法？曰：使之有香而已矣。予嘗授意小婦，預設花露一盞，俟飯之初熟而澆之，澆過稍開，拌勻而後入碗，食者歸功于穀米，詫爲異種，而訊之，不知其爲尋常五穀也。此法秘之已久，今始告人，行此法者，不必滿釜澆通，通則費露甚多，而此法不行于世矣。此燂一盞。

燒一隅足供佳客所需而止露以薔薇香檳桂花三
種爲上勿用玫瑰以玫瑰之香食者易辨知薔薇性
所有薔薇香檳桂花三種與穀性之香者相若使人
難辨故用之

湯

湯卽羹之別名也羹之爲名雅而返古不曰羹而曰
湯者慮人古雅其名而卽鄭重其實似專爲宴客而
設者然不知羹之爲物與飯相俱者也有飯卽應有
羹無羹則飯不能下設以下飯乃圖省儉之法非

尚奢靡之法也。古人飲酒卽有下酒之物。食飯卽有下飯之物。世俗改下飯爲屢飯。謬矣。前人以讀史爲下酒物。豈下酒之下亦從屢乎。下飯二字。人謂指餽饌而言。予曰不然。餽饌乃滯飯之具。非下飯之具也。食飯之人。見美饌在前。七箸遲疑而不下。非滯飯之具。而何飯猶舟也。羹猶水也。舟之在灘。非水不下。與飯之在喉。非湯不下。其勢一也。且養生之法。食貴能消。飯得美而卽消。其理易見。故善養生者。喫飯不可無美。善作家者。喫飯亦不可無美。宴客而爲省儉計。

者不可無羹。卽宴客而欲其果腹。始去一饌。不啻若
亦不可無羹。何也。羹能下飯。亦能下饌。故也。近來吳
越張筵。每饌必注以湯。大得此法。吾謂家常自備亦
莫妙于此。寧可食無饌。不可飯無湯。有湯下飯。卽小
菜不設。亦可使哺啜如流。無湯下飯。卽美味盈前。亦
有時食不下咽。予以一赤貧之士。而養半百日之家。
有饌時而無饌日者。遵是道也。

糕餅

設食之有糕餅。猶肉食之有脯膾。魯論云。食不厭精。

臍不厭細。製糕餅者。于此二句當兼而有之。食之精者。米麥是也。臍之細者。粉麵是也。精細兼長。始可論及。工拙求工之法。坊刻所載甚詳。予使拾而言之。以作製餅製糕之印板。則觀者必大笑曰。笠翁不拾唾餘。今于飲食之中。現增一副依樣葫蘆矣。馮婦下車。請戒其始。祇用二語括之曰。饒貴乎鬆餅。利于薄。

麵

南人飯米。北人飯麵。常也。本草云。米能養脾。麥能補心。各有所裨于人也。然使竟日窮年止食一物。亦

何其膠柱、口腹而不肯兼愛心脾乎。予南人而北相、性之剛直似之、食之強橫亦似之。一日三餐、二米一麵、是酌南北之中而善處心脾之道也。但其食麵之法、小異于北而且大異于南。北人食麵多作餅、予喜條分而縷晰之。南人之所謂切麵是也。南人食切麵、其油鹽醬醋等作料皆下于麵湯之中。湯有味而麵無味。是人之所重者不在麵而在湯。與未嘗食麵等也。予則不然。以調和諸物盡歸于麵。麵具五味而湯獨清。如此方是食麵。非飲湯也。所製麵目有二種。一

日五香麵。一日八珍麵。五香饅已。八珍餉客。畧分。豈
餘于其間。五香者何。醬也。醋也。椒末也。芝蔴屑也。焯
笋。或者煮葷煮蝦之鮮汁也。先以椒末芝蔴屑二物拌
入麵中。後以醬醋及鮮汁三物和爲一處。卽克拌麵
之水。勿再用水。拌宜極勻。捏宜極薄。切宜極細。然後
以滾水下之。則糯粹之物盡在麵中。儘勾咀嚼。不似
尋常喫麵者。麵則直吞下肚。而止咀嚼其湯也。八珍
者何。鵝魚蝦三物之肉。晒使極乾。與鮮笋香葷芝蔴
花椒四物共成極細之末。和入麵中。與鮮汁共爲八

種膏醋亦用而不列數內者以家常日用之物不得
名之以珍也。鷄魚之內務取極精稍帶肥膩者并用
以麵性見油卽散捍不成片切不成絲故也。但觀製
餅餌者欲其鬆而不實卽拌以油則麵之爲性可知
已。鮮汁不用煮肉之湯而用笋、葷、蝦汁者亦以忌油
故耳。所用之內鷄魚蝦三者之中惟蝦最便屑米爲
麵勢如反掌多有其末以備不時之需卽膳已過五
香亦未嘗不可六也。拌麵之汁加鷄蛋青一二盞更
宜此物不列于前而附于後者以世人知用者爲多列

之又同。則襲耳。

粉

粉之名目甚多。其常有而適于用者。則惟藕葛蕨菜
豆四種。藕葛二物。不用下鍋。調以滾水。卽能變生成
熟。昔人云。有倉卒客。無倉卒主人。欲爲倉卒主人。則
請多儲二物。且卒急救饑。亦莫善于此。駕舟車行遠
路者。此是餓糧中首善之物。粉食之耐咀嚼者。蕨爲
上菜。豆次之。欲菜豆粉之耐嚼。當稍以蕨粉和之。凡
物入口而不能卽下。不卽下而又使人咀之有味。嚼。

之無聲者。斯爲妙品。吾徧索飲食中。惟得此二物。菜
豆粉爲湯。蘇粉爲下湯之飯。可稱二耐。齒牙遇此。殆
亦所謂勞而不怨者哉。

肉食第三

肉食者鄙。非鄙其食肉。鄙其不善謀也。食肉之人。之不善謀者。以肥膩之精液。結而爲脂。蔽障胸臆。猶之茅塞其心。使之不復有竅也。此非予之臆說。夫有所驗之矣。諸獸食草木雜物。皆狡獪而有智。虎獨食人。不得人則食諸獸之肉。是匪肉不食者。虎也。虎者。獸之至愚者也。何以知之。考諸群書。則信矣。虎不食小兒。非不食也。以其癡不懼虎。謬謂勇士而

避之也。虎不食醉人，非不食也。因其醉勢，狙獾目爲勁敵而防之也。虎不行曲路，人遇之者，引至曲路，卽得脫。其不行曲路者，非若澹臺滅明之行不由徑，以頸直不能回顧也。使知曲路必脫，先于周行食之矣。虎苑云：虎之能搏狗者，牙爪也。使失其牙爪，則反伏于狗矣。跡是觀之，其能降人降物而藉之爲糧者，則專恃威猛。威猛之外，一無他能。世所謂有勇無謀者，虎是也。予究其所以然之故，則以

舍內之外不食他物。脂膩填胸不能生智。故也。然則肉食者鄙。未能遠謀。其說不既有徵乎。吾今雖爲肉食作俑。然望天下之人多食不如少食。無虎之威猛而益其愚。與有虎之威猛而自昏其智。均非養生善後之道也。

猪

食以人傳者。東坡肉是也。卒急聽之。似非豕之肉。而爲東坡之肉矣。噫。東坡何罪。而割其肉。以實千古饑人之腹哉。甚矣名士不可爲。而名士遊戲之小術。尤

不可不慎也。至數百載而下。糕布等物。又以眉公得名。取眉公糕。眉公布之名。以較東坡肉三字。似覺彼善于此矣。而其最不幸者。則有溷廁中之一物。俗人呼爲眉公馬桶。噫。馬桶何物。而可冠以雅人高士之名乎。予非不知肉味。而予豕之一物。不敢浪措一詞者。慮爲東坡之續也。卽溷廁中之一物。予未嘗不新其製。但蓄之家。而不敢取以示人。尤不敢筆之于書者。亦慮爲眉公之續也。

羊

物之振耗最重者羊肉是也。諺有之曰：羊幾買幾難。筭生折對半，熟對半。百斤止剩念餘斤。縮到後來只一段。大率羊肉百斤宰而割之，止得五十斤。迨烹而熟之，又止得二十五斤。此一定不易之數也。但生羊易消，人則知之。熟羊易長，人則未之知也。羊肉之爲物，最能飽人。初食不飽，食後漸覺其飽。此易長之驗也。凡行遠路及出門作事，卒急不能得食者，啖此最宜。秦之西鄙產羊極繁，土人日食止一食，其能不枵腹者，羊之力也。本草載羊肉比人參、黃芪、參、芪補氣。

羊肉補形。予謂補人者羊。害人者亦羊。凡食羊肉者。當留腹中餘地。以俟其長。倘初食不節。而果其腹。飯後必有脹而欲裂之形。傷脾壞腹。皆由于此。葆生者不可不知。

牛犬

猪羊之後。當及牛犬。以二物有功于世。方勸人戒之。之不暇。倘忍爲制。酷刑乎畧此二物。遂及家禽。是亦以羊易牛之遺意也。

鵝

鵠亦有功之物而不諱其死者以功較牛犬爲稍微
天之曉也報亦明不報亦明不似獻獻釜賦非牛不
耕非犬之吠則不覺也然較鵠鴈二物則雞豚羴伍
絳灌矣烹飪之刑似宜稍寬于鵠鴈卵之有雄者弗
食重不至斤外者弗食卽不能壽之亦不當過殀之
耳。

鵠

鵠之肉無他長取其肥且甘而已矣肥始能甘不
肥則同于鶩鵠以固始爲最訊其土人則曰黍之

之物亦同于人。食人之食。斯其肉之肥膩亦同于人。也。猶之豕肉以金華爲最。豢人豢豕。非飯節粥。故其爲肉也。甜而膩。然則豕始之需金華之豕。均非鶩豕之美食美之也。食能美物。奚俟人言。歸而求之。有餘師矣。但授家人以法。彼雖飼以美食。終覺饑飽不時。不似固始金華之有節。故其爲肉也。猶有一間之殊。豢終以禽獸育之。未嘗稍同于人耳。繼子得食肥而不澤。其斯之謂歟。

有告予食鶩之法者曰。昔有一人善製鶩掌。每豢肥。

鷲將殺先熬沸油一盂投以鷲足鷲痛欲絕則縱入
池中任其跳躍已而復擒復縱炮淪如初若是者數
四則其爲掌也豐美甘甜厚可徑寸是食中異品也
予曰慘哉斯言予不願聽之矣物不幸而爲人所畜
食人之食死人之事償之以死亦足矣奈何未死之
先又加若是之慘刑乎二掌雖美入口卽消其受痛
楚之時則有百倍于此者以生物多時之痛楚易我
片刻之甘甜忍人弗爲况稱具婆心者乎地獄之設
正爲此人其死後炮烙之刑必有過于此者

鳴

東簡係
六制焉
品多使
觀者不
竟所聞
司空見
價事聞
系矣

禽屬之善養生者雄鳴是也。何以知之。知之于人之
好尚。諸禽尚雌而鳴。獨尚雄。諸禽貴幼而鳴。獨貴長。
故養生家有言。爛蒸老雄鴨。功效比參耆。使物不善
養生。則精氣必為雌者所奪。諸禽尚雌者。以為精氣
之所聚也。使物不善養生。則情竅一開。日長而日瘳。
矣。諸禽貴幼者。以其洩少而存多也。雄鴨能愈長愈
肥。皮肉至老不變。且食之與參耆比功。則雄鴨之善
于養生。不待考核而知之矣。然必俟考核。則前此未

之聞也。

野禽野獸

野味之遜于家味者以其不能盡肥家味之遜于野
味者以其不能有香也家味之肥肥于不自覓食而
安享其成野味之香香于草木爲家而行止自若是
知豐衣美食逸處安居肥人之事也流水高山奇花
異木香人之物也肥則必供刃俎靡有孑遺香亦爲
人朶頤然或有時而免二者不欲其兼舍肥從香而
已矣。

野禽可以時食野獸則偶一嘗之野禽如雉鴈鳩鵒黃雀鷦鷯之屬雖生于野若畜于家爲可取之如寄也野獸之可得者惟兔麋鹿熊虎諸獸歲不數得是野味之中又分難易難得者何以其久住深山不入人境樵採之入是人往覓獸非獸來挑人也禽則不然知人欲弋而往投之以覓食也食得而禍隨之矣是獸之死也死于人禽之斃也斃于已食野味者當作如是觀惜禽而更當惜獸以其取死之道爲可原也。

魚

魚藏水底。各自爲天。自謂與世無求。可保。求之不及矣。鳥知朝晝之奏功。較弓矢置罟爲更捷。無事竭澤而漁。自有吞舟不滿之法。然魚與禽獸之壯死同。是一命。覺魚之供人刀俎。似較他物爲稍宜。何也。水族難竭。而易繁。胎生卵生之物。少則一母數子。多亦數十子而止矣。魚之爲種也。似粟千斯倉而萬斯箱。皆于一腹焉。寄之苟無沙汰之人。則此千斯倉而萬斯箱者。生生不已。又變而爲恒河沙數。至恒河沙數。

之一變再變以至千百變竟無一物可以喻之不幾
克塞江河而爲陸地舟楫之往來能無恙乎故漁人
之取魚蝦與樵人之伐草木皆取所當取伐所不得
不伐者也我輩食魚蝦之罪較食他物爲稍輕茲爲
約法數章雖難比乎祥刑亦稍差于酷吏

食魚者首重在鮮次則及肥肥而且鮮魚之能事畢
矣然二美雖兼又有所重在一者如鱸如鱖如鯽如
鯉皆以鮮勝者也鮮宜清煮作湯如鱸如白如鯽如
鯉皆以肥勝者也肥宜厚烹作膾烹煮之法全在大

候得宜先期而食者肉生生則不鬆過期而食者肉死死則無味遲客之家他候或可先設以待魚則必須活養候客至旋烹魚之至味在鮮而鮮之至味又只在初熟離釜之片刻若先烹以待是使魚之至美發洩于空虛無人之境待客至而再經火氣猶冷飯之復炊殘酒之再熱有其形而無其質矣煮魚之水忌多僅足伴魚而止水多一口則魚淡一分司廚婢子所利在湯常有增而復增以致鮮味減而又減者志在厚客不能不薄待施人耳更有製魚良法能使

鮮肥迸出不失天真。遲速咸宜。不虞火候者。則莫妙于蒸。置之鑊內。入陳酒醬油各數盞。覆以瓜薑及葷筍諸鮮物。繫火蒸之極熟。此則隨時早暮。供客咸宜。以鮮味盡在魚中。並無一物能侵。亦無一氣可洩。真上着也。

鰕

筍爲蔬食之必需。鰕爲葷食之必需。皆猶甘草之于藥也。善治葷食者。以焯鰕之湯。和入諸品。則物物皆鮮。亦猶筍湯之利于群蔬。筍可孤行。亦可並用。鰕則

不能自主。必借他物爲君。若以煮熟之蝦。單盛一盤。非特華筵必無是事。亦且令食者索然。惟醉者糟者。可供七箸。是蝦也者。因人成事之物。然又必不可無之物也。治國若烹小鮮。此小鮮之有裨于國者。

蟹

新粟米炊魚子飯。嫩蘆芽煮蟹裙羹。林居之人。述此以鳴得意。其味之鮮美可知矣。予性于水族。無一不嗜。獨與蟹不相能。食多則覺口燥。殊不可解。一日隣人稱得巨蟹。召衆食之。死者接踵。染指其汁者亦病。

數月始痊。予以不喜食此。得免于召。遂得免于死。登
性之所在。卽命之所在。耶。予一生徼倖之事。難更僕
數。乙未。居武林。隣家失火。三面皆焚。而予居無恙。已
卯之夏。遇大盜于虎爪山。贖以重資者得免。不則立
斃。予囊無一錢。自分必死。廷璽受誅而盜不殺。至于
甲申乙酉之變。予雖避兵山中。然亦有時入郭。其至
幸者。緣從家而家焚。甫出城而城陷。其出生于死。皆
在斯須倏忽之間。噫。予何修而得此。于天哉。報施無
地。有強爲善而已矣。

蟹

予。丁。飲。食。之。美。無。一。物。不。能。言。之。且。無。一。物。不。窮。其。想。像。竭。其。幽。渺。而。言。之。獨。于。蟹。螯。一。物。心。能。嗜。之。且。能。甘。之。無。論。終。身。一。日。皆。不。能。忘。之。至。其。可。嗜。可。甘。與。不。可。忘。之。故。則。絕。口。不。能。形。容。之。此。一。事。一。物。也。者。在。我。則。爲。飲。食。中。之。癖。情。在。彼。則。爲。天。地。間。之。怪物。矣。予。嗜。此。一。生。每。歲。于。蟹。之。未。出。時。卽。儲。錢。以。待。因。家。人。笑。予。以。蟹。爲。命。卽。自。呼。其。錢。爲。買。命。錢。自。初。山。之。日。始。至。告。竣。之。日。止。未。嘗。虛。負。一。夕。缺。陷。一。時。

同人知予癖蟹招者餉者皆于此日予因呼九月十月爲蟹秋慮其易盡而難繼又命家人滌甕釀酒以脩糟之醉之之用糟名蟹糟酒名蟹釀甕名蟹甕向有一婢勤于事蟹卽易其名爲蟹奴今亡之矣蟹乎蟹乎汝與吾之一生殆相終始者乎所不能爲汝生色者未嘗于有甥甥無監州處作郡出俸錢以供大嚼僅以慳囊易汝卽使日購百匡除供客外與五十日家人分食然則入予腹者有幾何哉蟹乎蟹乎吾終有愧于汝矣

蟹之爲物至美。而其味壞于食之之人。以之爲羹者。鮮則鮮矣。而蟹之美質何在。以之爲膾者。膩則膩矣。而蟹之真味不存。更可厭者。所爲兩截。和以油鹽豆粉而煎之。使蟹之色。蟹之香。與蟹之真味全失。此皆似嫉蟹之多味。忌蟹之美觀。而多方蹂躪。使之洩氣。而變形者也。世間好物。利在孤行。蟹之鮮而肥甘而膩。白似玉而黃似金。已造色香味三者之至極。更無一物可以上之和。以他味者。猶之以燂火助日。潄水益河。冀其有裨也。不亦難乎。凡食蟹者。只合全其故。

體蒸而熟之。貯以冰盤。列之几上。聽客自取自食。剖
一匡食。一匡斷。一螯食。一螯則氣與味纖毫不漏出。
于蟹之軀殼者。卽入于人之口。腹飲食之三昧。再有
深入于此者哉。凡治他具。皆可人任其勞。我享其逸。
獨蟹與瓜子菱角三種。必須自任其勞。旋剝旋食。則
有味。人剝而我食之。不特味同嚼蠟。且似不成其爲
蟹。與瓜子菱角而別。是一物者。此與好香必須自焚。
好茶必須自斟。童僕雖多。不能任其力者。同出一理。
講飲食清供之道者。皆不可不知也。

譙上客者勢難全體不得已而羹之亦不當和以他物惟以煮鷄鶩之汁爲湯去其油膩可也。

甕中取醉蟹最忌用燈燈光一照則滿甕俱沙此人知忌者也有法處之則可任照不忌初醉之時不論晝夜俱點油燈一盞照之人變則與燈光相習不相忌而相能任憑照取永無變沙之患矣。此法極門有用之者

零星水族

予擔簑二十年履蹟幾遍天下四海歷其三三溪五湖財俱未嘗遺一惟九河未能環繞以其迂僻者多

不盡在舟車可抵之境也。歷水既多，則水族之經食者自必不少。因知天下萬物之繁，未有繁于水族者。載籍所列諸魚名，不過十之六七耳。常有奇形異狀，味亦不群。漁人竟日取之，土人終年食之。諮詢其名，皆不知爲何物者。無論其他，卽吳門京口諸地所產水族之中，有一種似魚非魚狀，類河魨而極小者，俗名斑子魚。味之甘美，幾同乳酪。又柔滑無骨，真至味也。而本草食物諸書皆所不載。近地且然，况寥廓而迂僻者乎。海錯之至美，人所艷美而不得食者，爲闕。

之西施舌江瑤柱二種。西施舌予既食之。獨江瑤柱未獲一嘗。爲入明恨事。所謂西施舌者。狀其形也。白而潔光而滑。入口啜之。儼然美婦之舌。但少朱唇皓齒牽制其根。使之不留而卽下耳。此所謂狀其形也。世論鮮味。則海錯中儘有過之者。未甚奇特。衆顧此味之人。但索美舌而啜之。卽當屠門大嚼矣。其不甚著名而有異味者。則北海之鮮魴。味並鯖魚。其腹中有肋甘美絕倫。世人以在鮮魴腹中者爲西施乳。若與此肋較短長。恐又有東家西家之別耳。

河魴爲江南最尚之物。予亦食而甘之。但詢其烹任
之法。則所需之作料甚繁。合而計之。不下十餘種。且
又不可缺一。缺一則腥而寡味。然則河魴無奇。乃假
衆美成奇者也。有如許調和之料。施之他物。何一不
可。擅長奚必假殺人之物。以示異乎。食之可不食亦
可。若江南之鱖。則爲春饌中妙物。食鱖魚及鱖鯉有
厭時。鱖則愈嚼愈甘。至果腹而猶不能釋手者也。

不載菓食茶酒說

菓者酒之讐。茶者酒之敵。嗜酒之人必不嗜茶。與菓。此定數也。凡有新客入座。平時未經共飲。不知其酒。量淺深者。但以菓餅及糖食驗之。取到卽食。食而似有踴躍之情者。此卽茗客。非酒客也。取而不食。及食不數四而卽有倦色者。此必巨量之客。以酒爲生者也。以此法驗嘉賓。百不失一。予係茗客。而非酒人。性似猿猴。以菓代食。天下皆知之矣。試以酒味則茫然。與談食菓飲茶之事。則覺井井有條。滋滋多味。茲旣

脩述飲饌之事則當于二者加詳。胡以缺而不脩。日
懼其畧也。性既嗜此。則必大書特書。而且爲罄竹之
書。若以寥寥數紙。終其崖畧。則恐筆欲停而心未許。
不覺其言之汗漫而難收也。且菓可畧而茶不可畧。
茗戰之兵法。富于三畧六韜。豈孫子十三篇所能盡
其靈秘者哉。是用專輯一編。名爲茶菓志。孤行可尾
于是集之後。亦可至于麴蘖一事。予旣自謂茫然。如
復強爲置喙。則假口他人乎。抑強不知爲知。以欺天
下乎。假口則仍犯剽襲之戒。將欲欺人。則茗客可欺。

潛人不可欺也。倘執其所短而與問罪之師。吾能以
若戰戰之乎。不若絕口不談之爲愈耳。

四情偶寄卷十三目次

種植部

木本第一

牡丹

梅

桃

李

杏

梨

海棠

玉蘭

辛夷

山茶

紫薇

綉毬

紫荊

梔子

杜鵑

櫻桃

木槿

桂

合歡

木芙蓉

瑞香

夾竹桃

茉莉

藤本第二

薔薇

木香

酴醾

月月紅

姊妹花

玫瑰

素馨

凌霄

真珠蘭

屏式

同治偶寄卷之十三

湖上笠翁李——漁著

塔沈心友因伯

全訂

男 將舒陶長

種植部

已載群書者片言不贅非補未逮之論卽傳自驗之方欲賂陳言請翻諸集

木本第一

草木之種類極雜而別其大較有三。一本藤
本草本是也。木本堅而難痿。其歲較長者根
深故也。藤本之爲根畧淺。故弱而待扶。其歲
猶以年紀。草木之根愈淺。故經霜輒壞。爲壽

止能及歲。是也者。萬物短長之數也。欲豐其得。先固其根。吾于老農老圃之事而得養生處世之方焉。人能處後計。長事事求爲木本。則見雨露不言而賄。霜雪不驚其爲身也。挺然獨立。至于斧斤之來。則天數也。豈靈椿古柏之所能避哉。如其植德不力而移爲苟延。則是藤木其身。止可因人成事。人立而我立。人仆而我亦仆矣。至于木槿其生不爲明日計者。彼比不知根爲何物。遑計入土之淺。

深藏。亥之厚。蘭哉。是卽草本之流亞也。噫。世
豈乏草本之行。而反本其天年。藤其後裔者
哉。此造物偶然之失。非天地處人待物之常
也。

牡丹

牡丹得王于群花。予初不服是論。謂其色其香。去芍
藥有幾。擇其絕勝者。與角雌雄。正未知鹿死誰手。及
睹事物紀原。謂武后冬月游後苑。花俱開。而牡丹獨
遲。遂貶洛陽。因太極日經。項若此。得貶固宜。然不加

九五之尊。奚洗八千之辱乎。

韓詩夕貶朝陽路八千

物生有候

葭動以時。苟非其時。雖十堯不能冬。生一穗。后襲人主。可強。鷄人使晝鳴乎。如其有識。當盡貶諸卉。而獨崇牡丹花王。之封。允宜摩于此日。惜其所見不逮。而且倒行逆施。誠哉其爲武后也。予自秦之聲。昌載牡丹十數本。而歸。同人嘲予以詩。有群芳應怪人情熱。千里趨迎富貴花之句。予曰。彼以守拙得貶。予載之歸。是趨冷非趨熱也。茲得此嶺。更發明矣。藝植之法。載于名人譜。帙者。纖髮無遺。予倘及之。又是拾人牙

後矣。但有嘆繫一着。花譜偶載而未之悉者。請當言之。是花皆有正面。有反面。有側面。正面宜向陽。此種花通義也。然他種猶能委曲。獨牡丹不肯通融。處以南面。而卽生俾之。他向則死。此其骯髒不回之本性。人主不能屈之。誰能屈之。予嘗執此語。同人有迂其說者。予曰。匪特士民之家。卽以帝王之尊。欲植此花。亦不能不循此例。同人詰予曰。有所本乎。予曰。有本。晉家太白詩云。名花傾國兩相歡。常得君王帶笑看。解釋春風無限恨。況有亭北倚欄杆。倚欄杆者。向北則。

花非南面而何。同人笑而是之。斯言得無定論。

梅

梅。最先者梅。菓之最先者櫻桃。若以次序定尊卑。則梅當王于花。櫻桃王于菓。猶瓜之最先者曰王瓜。于義理未嘗不合。奈何別置品題。使後來居上。首出者不得爲聖人。則闢草昧致文明者。誰之力歟。雖然。以梅冠群芳。料與情必協。但以櫻桃冠群菓。吾恐主持公道者。又不免爲荔枝號屈矣。姑仍舊貫。以免牴牾。種梅之法。亦倭群書無庸置喙。但言領畧之法。而

已花時苦寒。既有妻梅之心。當籌寢處之法。否則余
枕不脩。露宿爲難。乘興而來者。無不盡興而返。卽求
爲驢背浩然。不數得也。觀梅之具有二。山游者必帶
帳房。實三面而虛其前。制同湯網。其中多設爐炭。旣
可致溫。復脩煖酒之用。此一法也。園居者設紙屏數
扇。覆以平頂。四面設窓。盡可開閉。隨花所在。撐而就
之。此屏不止觀梅。是花皆然。可脩終歲之用。立一小
匾。名曰就花居。花間豎一旗幟。不論何花。概以總名
曰縮地花。此一法也。若家居所植者。近在身畔。遠亦

不出眼前。是花能就人。無俟人爲蜂蝶矣。然而愛梅之人。缺陷有二。凡到梅開之時。人之好惡不齊。天之功過亦不等。風送香來。香來而寒亦至。令人開戶不得。閉戶不得。是可愛者。風而可憎者。亦風也。雪助花妍。雪凍而花亦凍。令人去之不可留之不可。是有功者。雪而有過者。亦雪也。其有功無過可愛而不可憎者。惟日。既可養花。又堪曝背。是誠天乏循吏也。使止有日而無風雪。則無時無日。不在花間。布帳紙屏。皆可不設。豈非梅花之至幸。而生人之極樂也哉。然而

爲之天者則甚難矣。

蠟梅者梅之別種殆亦共姓而通譜者歟。然而有
令德亦樂與聯宗。吾又謂別有一花當爲蠟梅之異
姓兄弟。玫瑰是也。氣味相孚。皆造濃艷之極。及殆不
留餘地待人者矣。人謂過猶不及。當務適中。然資性
所在。一往而深。求爲適中。不可得也。

桃

凡言草木之花。矢口卽稱桃李。是桃李二物領袖群
芳者也。其所以領袖群芳者。以色之大都。不出紅白。

二種。桃色爲紅之極純。李色爲白之至潔。桃花能紅。李能白。一語足盡二物之能事。然今人所重之桃。非古人所愛之桃。今人所重者。爲口腹計。未嘗究及觀覽。大半曉之爲物。可日者。未嘗可口。不能執兩端事。人凡欲桃實之作者。必以他樹接之。不知桃實之佳。佳于接。桃色之壞。亦壞于接。桃之未經接者。其色極嬌。酷似美人之面。所謂桃腮。桃靨者。皆指天然未接之桃。非今時所謂碧桃。絳桃。金桃。銀桃之類也。卽今詩人所詠。畫圖所繪者。亦是此種。此種不得于名園。

不得于勝地。惟鄉村籬落之間。牧童樵叟所居之處。能富有之。欲看桃花者。必策蹇郊行。聽其所至。如武陵人之偶入桃源。始能復有其樂。如僅載酒園亭。携姬院落。爲當春行樂計者。謂賞他卉。則可。謂看桃花。而能得其真趣。吾不信也。噫。色之極媚者。莫過于桃。而壽之極短者。亦莫過于桃。紅顏薄命之說。單爲此種。凡見婦人面與相似。而色澤不分者。卽當以花魂視之。謂別形體不久也。然勿明言。至生涕泣。

李

李是吾家。菓花亦吾家花。當以私愛嬖之。然不敢也。唐有天下。此樹未聞得封。天子未嘗私庇。况庶人乎。以公道論之。可已。與桃齊名。同作花中領袖。然而桃色可變。李色不可變也。邦有道不變塞焉。强哉矯。邦無道至死不變。强哉矯。自有此花以來。未聞稍易其色。始終一操。涅而不淄。是誠吾家物也。至有稍變其色。冒爲一宗。而此類不收。仍加一字。以示別者。則郁李是也。李樹較桃爲耐久。逾三十年始老。枝雖枯而子仍不細。以得于天者獨厚。又能甘澹守素。未嘗以

色媚人也。若仙李之盤根，則又與靈椿比壽。我武而不能以著述永年而已矣。

杏

種杏不實者，以處子常繫之裙繫樹上，便結子纍纍。予初不信，而試之，果然是樹性喜淫者，莫過于杏。予嘗名爲風流樹。噫，樹木何取于人人？人何親于樹木？而弊愛若此，動乎情也。情能動物，况于人乎？其必宜于處子之裙者，以情貴乎？專已字人者，情有所分而不聚也。予謂此法既驗于杏，亦可推而廣之。凡樹木之

不實者。皆當繫以美女之裳。卽男子之不能誣育者。
亦當衣以佳人之袴。蓋世間慕女色而愛處子。可以
情威而使之動者。豈止一杏而已哉。

梨

予播遷四方。所止之地。惟荔枝龍眼佛手諸卉爲異。
越諸邦不產者。未經種植。其餘一切花果竹木。無一
不經葺聖。獨梨花一木。爲眼前易得之物。獨不能身
有其樹。爲植梨主人。可與少陵不詠海棠同作一篇。
久事然性愛此花。甚于愛食其菓。菓之種類不一。

食者少而花之耐看則無一不然雪爲天上之雪此
是人間之雪雪之所少者香此能兼擅其美唐人詩
云梅雖遜雪三分白雪却輸梅一段香此言天上之
雪料其輸贏不決請以人間之雪爲天上解圍

海棠

海棠有色而無香此春秋責備賢者之法否則無香
者衆胡盡恕之而獨于海棠是咎然吾又謂海棠不
盡無香香在隱躍之間又不幸而爲色掩如人生有
二技一技稍粗則爲積者所隱一術太長則六藝皆

通雅卷之五

海棠
知已
此而

通雅爲人所不道。王羲之善書。吳道子善畫。此二人者。豈僅工書善畫者哉。蘇長公不善棋。酒豈遂一子不拈一厄不設者哉。詩文遇高棋。酒不足稱耳。吾欲證前人有色無香之說。執海棠之初放者。嗅之。另有一種清芬。利于緩咀。而不宜于猛嗅。使盡無香。則蜂蝶過門不入矣。何以鄭谷詠海棠詩云。朝醉暮吟看不足。或他蝴蝶宿深枝。有香無香。當以蝶之去留爲證。且香之與臭。敵國也。花譜云。海棠無香。而畏臭。不宜灌糞。去此者。必卽彼者。是則海棠無香之說。亦可。

能證于前而稍白于後矣。噫。大音希聲。大羹不和。奚必如蘭如麝。撲鼻薰人。而後謂之有香氣乎。

王禹偁詩話云。杜子美避地蜀中。未嘗有一詩及海棠。以其生母名海棠也。生母名海棠。予空疎未得其考。然恐子美卽善吟。亦不能物物詠到。一詩偶遺。卽使後人議及父母甚矣。才子之難爲也。胤韋以前。吾鄉杜姓者。其家海棠絕勝。予歲歲縱覽。未嘗或遺。嘗贈以詩云。此花不比別花來。題破東君着意培。不怪少陵無贈句。多情偏向杜家開。似可爲少陵解嘲。

秋海棠一種較春花更媚。春花肖美人。秋花更有美人。春花肖美人之已嫁者。秋花肖美人之待年者。春花肖美人之綽約可愛者。秋花肖美人之纖弱可憐者。處子之可憐。少婦之可愛。二者不可得兼。必將棄憐而割愛矣。相傳秋海棠初無是花。因女子懷人不至。涕泣酒地。遂生此花。名爲斷腸花。噫。同一淚也。酒之林中。卽產斑竹。酒之地上。卽生海棠。淚之爲物神矣哉。

春海棠顏色極佳。凡有園亭者。不可不備。然貧士之

家不能必有膏以秋海棠補之此花便于貧士者有二移根卽是不須錢買一也西地不多皆間壁上皆可植之性復喜陰秋海棠所取之地皆群花所棄之地也

玉蘭

世無玉樹請以此花當之花之自者儘多皆有葉色相亂此則不葉而花與梅同致千幹萬蕊盡放一時殊盛事也但絕盛之事有時變爲恨事衆花之開無不思雨而此花尤甚一樹好花止須一宿數雨盡落

變色又覺腐爛。可惜較之無花更爲乏趣。群花開謝
以時謝者既謝。開者猶開。此則一敗俱敗。半瓣不留。
語云弄花一年。看花十日。爲玉蘭主人者。常有延佇
經年。不得一朝盼望者。詎非香國中絕大恨事。故僉
此花一開。便宜急急玩賞。玩得一日。是一日。賞得一
時。是一時。若初開不玩。而俟全開。全開不賞。而俟盛
開。則恐好事未行。而殺風景者。至矣。噫。天何警于玉
蘭。而往往三歲之中。定有一二歲與之爲難哉。

辛夷

辛夷木筆望春花。一卉而數異其名。又無甚新奇。可
取名有餘。而實不足者。此類是也。園亭極廣。無一不
隨者。方可植之。不則當爲此花藏拙。

山茶

花之最不耐開。一開輒盡者。桂與玉蘭是也。花之最
能持久。愈開愈盛者。山茶石榴是也。然石榴之久。猶
不及山茶。榴葉經霜卽脫。山茶戴雪而榮。則是此花
也者。具松栢之骨。挾桃李之姿。歷春夏秋冬如一日。
殆草木而神仙者乎。又况種類極多。由淺紅以至深

紅無一不脩其淺也。如粉如脂如美人之腮。如酒客之面。其深也。如硃如火如猩猩之血。如鶴頂之珠。可謂極淺深濃淡之致。而無一毫遺憾者矣。得此花一二本。可抵群花數十本。惜乎予園僅同芥子。諸卉種就不能再納。須彌。僅取盆中小樹植于怪石之旁。噫。善善而不能用。惡惡而不能去。予其郭公也夫。

紫薇

人謂禽獸有知。草木無知。予曰不然。禽獸草木盡是有知之物。但禽獸之知稍異于人。草木之知又稍異。

于禽獸漸蠢則漸愚耳何以知之知之于紫薇樹之
怕癢知癢則知痛知痛癢則知榮辱利害是去禽獸
不遠猶禽獸之去人不遠也人謂樹之怕癢者只有
紫薇一種餘則不然予曰草木同性但觀此樹怕癢
卽知無草無木不知痛癢但紫薇能動他樹不能動
耳人又問既然不動何以知其識痛癢予曰就人喻
之怕癢之人搔之卽動亦有不怕癢之人聽人搔扒
而不動者豈人亦不知痛癢乎由是觀之草木之受
誅鋤猶禽獸之被宰殺其苦其痛俱有不忍言者人

能以待榮華者待一切草木。待一切草木者待禽獸。與人則斬伐不敢妄施。而有疾痛相關之義矣。

綉毬

天工之巧至闢綉毬一花而止矣。他種之巧純用天工。此則詐施人力。似肖塵世所爲而爲者。剪春羅剪秋羅諸花亦然。天工于此似非無意。蓋曰汝所能者我亦能之。我所能者汝實不能爲也。若是則當吾生一二蹴毬之人立于樹上。則天工之闢巧者全矣。其不屑爲此者豈以物可肖而人不足肖乎。

紫荊

紫荊一種。花之可已者也。但春季所開。多紅少紫。欲
脩其色。故間植之。然少枝無葉。貼樹生花。雖若紫葳。
少年亭亭獨立。但覺窄袍緊袂。衣瘦身肥。立于欄。而
舞袖之中。不免代爲踉蹌。

梔子

梔子花無甚奇特。予取其彷彿玉蘭。玉蘭忌雨。而此
不忌雨。玉蘭齊放。齊凋。而此則開以次第。惜其樹小
而不能出簷。如能出簷。卽以之權當玉蘭。而補三春。

恨事誰曰不可。

杜鵑 櫻桃

杜鵑櫻桃二種。花之可有可無者也。所重于櫻桃者。在實不在花。所重于杜鵑者。在西蜀之異種。不在四方之恒種。如名花俱備。則二種開時。儘有快心。而奪目者。欲覺餘芳。亦愁少暇。

石榴

芥子園之地。不及三畝。而屋居其一。石居其一。乃榴之大者。復有四五株。是點綴吾居。使不落寞。實

盤踞吾地使不得盡栽他卉者亦榴也。榴之功罪不
幾半乎。然賴主人善用榴。雖多不爲贅也。榴性喜壓
就其根之宜石者從而山之。是榴之根卽山之麓也。
榴性喜日就其陰之可庇者從而屋之。是榴之地卽
屋之天也。榴之性又復喜高而直上就其枝柯之可
傍而又借爲天際真人者從而樓之。是榴之花卽吾
倚欄守戶之人也。此芥子園主人區處石榴之法。請
以公之樹木者。

木槿

木槿朝開暮落。其爲生也良苦。與其易落。何如弗開。
造物生此。亦可謂不憚煩矣。有人曰不然。木槿者。花
之現身說法。以儆愚蒙者也。花之一日。猶人之百年。
人視人之百年。則自覺其久。視花之一日。則謂極少。
而極暫矣。不知人之視人。猶花之視花。人以百年爲
久。花豈不以一日爲久乎。無一日不落之花。則無百
年不死之人可知矣。此人之似花者也。乃花開花落。
之期。雖少而暫。猶有一定不移之數。朝開暮落者。必
不幻而爲朝開午落。午開暮落。乃人之生死。則無一

定不移之數。有不及百年而死者。有不及百年之半。
與百年之二三而死者。則是花之落也。必焉人之死。
也。忽焉使人亦如木槿之爲生。至暮必落。則生前死。
後之事。皆可自爲政矣。無如其不能也。此人之不能。
似花者也。人能作如是觀。則木槿一花。當與萱草並。
樹。睹萱草則能忘憂。睹木槿則能知戒。

桂

秋花之香者。莫能如桂。樹乃月中之樹。亦天上之。
香也。但其猥陷處。則在滿樹齊開。不留餘地。予有惜。

桂詩云。萬斛黃金碾作灰。西風一陣總吹來。早知三日都狼籍。何不留將次第開。盛極必衰。乃盈虛一定之理。凡有富貴榮華一蹴而座者。皆玉蘭之爲春光。丹桂之爲秋色。

合歡

合歡獨忿萱草忘憂。皆益人情性之物。無地不宜種之。然睹萱草而忘憂。吾聞其語矣。未見其人。惟對合歡而獨忿。則不必訊之他人。凡見此花者。無不辭極成歡。破涕爲笑。是萱草可以不對。而合歡則不可不

栽栽之之法。花譜不詳。非不詳也。以作譜之人。非真能合歡之人也。漁人談移事。農父著樵經。有約畧其詞而已。凡植此花。不宜出之庭外。深閨曲房。是其所也。此樹朝開幕合。每至昏黃。枝葉二相交結。是名合歡。植之閨房者。合歡之花。宜置合歡之地。如椿萱宜在承歡之所。荆棣宜在友于之場。欲其稱也。此樹栽于內室。則人開而樹亦開。樹合而人亦合。人既爲之增愉。樹亦因而加茂。此所謂人地相宜者也。使居寂寞之境。不亦虛負此花哉。灌勿太肥。常以男女同浴。

之水隔一宿而澆其根。則花之若妍較常加倍。此尋
既驗之法。以無心偶試而得之。如其不信。請同覓二
本。一植庭外。一植閨中。一澆肥水。一澆浴湯。驗其孰
盛孰衰。卽知予言謬不謬矣。

木芙蓉

木芙蓉之于夏。木芙蓉之于秋。可謂二季功臣矣。然
木芙蓉必須池沼。所謂伊人在水一方者。不可數得。
茂叔之好。徒有其心而已。木則隨地可植。况二花之
絕。相距不遠。雖居岸上。如在水中。謂之秋蓮。可謂之

夏蓮亦可。卽自認爲三春之花。東皇未去也。亦可。凡有離落之家。此種必不可少。如或傍水而居。隔岸不見此花者。非至俗之人。卽薄福不能消受之人也。

夾竹桃

夾竹桃一種。花則可取。而命名不善。以竹乃有道之士。桃則佳麗之人。道不同。不相爲謀。合而一之。殊覺矛盾。請易其名爲生花竹。去一桃字。便覺相安。且松竹梅素稱三友。松有花。梅有花。惟竹無花。可稱缺典。得此補之。豈不天然。樂令赤女媚氏之五色石也。

瑞香

茂叔以蓮爲花之君子。予爲增一敵國曰瑞香。乃花之小人。何也。譜載此花一名麝囊。能損花。宜另植。予初不信。取而嗅之。果帶麝味。麝則未有不損群花者也。同列衆芳之中。卽有朋儕之義。不能相資相益。而反崇之。非小人而何。幸造物處之得宜。予以不能爲患之勢。其開也必于冬春之交。是時群花搖落。諸卉未榮。及見此花。者僅有梅花水仙二種。又在成功將退之候。當其鋒也。未久故懼其毒也。亦不深此造物。

之○美○所○小○人○也○使○易○冬○春○之○交○而○爲○春○夏○之○交○則○得○
王○亦○幾○被○篡○矧○下○此○者○乎○唐○宋○諸○名○流○無○不○憐○香○嗜○
色○贊○以○詩○詞○者○皆○以○蚤○春○無○花○得○此○可○搔○目○癢○又○但○
見○其○佳○而○未○逢○其○虐○耳○予○僭○爲○香○國○平○章○焉○得○不○秉○
公○持○正○寧○使○一○小○人○怒○而○欲○殺○不○敢○不○爲○衆○君○子○密○
隄○防○也○

茉莉

茉莉一花。單爲助粧而設。其天生。以媚婦人者乎。是
花皆曉開。此獨暮開。暮開者。使人不得把玩。秘之以

待曉粧也。是花蒂上皆無孔。此獨有孔。有孔者。非此不能受簪。天生以爲立脚之地也。若是則婦人之粧。乃天造地設之事耳。植他樹皆爲男子。種此花獨爲婦人。旣爲婦人。則當眷屬視之矣。妻梅者止。林逋妻茉莉者。當徧天下而是也。

欲藝此花。必求木本。藤本一樣着花。但苦經年卽死。視其死而莫之救。亦仁人君子所不樂爲也。木本最難過冬。予嘗歷驗收藏之法。此花痿于寒者。什一。斃于乾者。什九。人皆畏凍而滴水不澆。是以枯死。此見

漬廢食之法。有避。嘔。遺。而。經。時。絕。粒。其。人。尚。存。者。手。
稍。煖。微。澆。夫。寒。卽。止。此。不。易。之。法。但。收。藏。必。于。暖。處。
幾。罩。必。不。可。無。澆。不。用。水。而。用。冷。茶。如。斯。而。已。予。藝。
此。花。三。十。年。皆。爲。燥。誤。今。始。識。此。以。告。世。人。亦。其。否。
極。泰。來。之。會。也。

藤本第二

藤本之花。必須扶植。扶植之具。莫妙于從前
成法之用竹屏。或方其根。或斜其桶。因作歲
製。杜石遂成。錦綉牆垣。使內外之人。隔花阻
葉。礙紫間紅。可望而不可親。此善制也。無奈
近日茶坊酒肆。無一不然。有花卽以植花。無
花則以代壁。此習始于維揚。今且漸及他處
矣。市井若此。高人韻士之居。斷斷不應若此。
避市井者。非避市井。避其勞勞攘攘之情。錫

鉢必較之陋習也。見市井所有之物。如在市井之中。居處習見。能移性情。此其所以當避也。卽如前人之取別號。每用川泉湖字等字。其初未嘗不新。未嘗不雅。迨後商賈者流。家故而戶。則之以致市肆標榜之上。所書姓名。非川卽泉。非湖卽字。是以避俗之人。不得不去之。若凈。邇來縉紳先生。悉用齋菴二字。極宜。但恐用者過多。則而效之者。又入從前標榜。是今日之齋菴。未必不是前日之川泉湖。

字雖曰名以人重人不以名重然亦貴之實也。已噪寰中者仍之。繼起諸公似應稍變人問。植花旣不用屏。豈遂聽其滋蔓于地乎。曰不然。屏仍其故。制畧新之。雖不能保後日之市塵不又變爲今日之園圃。然新得一日。是一日異得一時。是一時但願貿易之人併性情風俗而變之。變亦不求盡變。市井之念不可無壅斷之心。不可有覓應得之利。謀有道之生。卽是人間大隱。若是則高人韻士皆樂

翳其遊矣。復何勞。復額銖之足。避哉。花屏
之製。有。列于藤。本。之。本。

薔薇

結屏之花。薔薇居首。其可愛者。則在富于種而不一
其色。大約屏間之花。貴在五彩繽紛。若上下四旁皆
一其色。則是佳本。忌作之。綉。庸。玉。不。繪。之。圖。外。于。亭
齋。有。何。意。致。他。種。屏。花。若。木。香。酴。醾。月。月。紅。諸。本。族
類。有。限。爲。色。不。多。然。其。相。間。勢。必。求。本。他。種。薔。薇。之
出。而。極。繁。其。色。有。赤。有。紅。有。黃。有。紫。甚。至。有。黑。即。紅。

之一色。又判數等。有大紅。深紅。淺紅。肉紅。粉紅。之異。
屏之寬者。盡其種類。所有而植之。使條梗蔓延相錯。
花時。顯麗。可做步障。于石崇。然徵名考實。則皆薔薇。
也是屏花之富者。莫過于薔薇。他種灰色。雖妍終不
免于捉襟露肘。

木香

木香花密而香濃。此其稍勝薔薇者也。然結屏單靠
此種未免略。勢必依傍薔薇。薔薇宜架。木香宜棚。
若以薔薇條幹之所及。不及木香之隨地。未香作羣。

三
作垣二者各盡其長主人亦均收其利矣

醉醺

醉醺之品亞于薔薇木香然亦屏間必需之物以其
花候稍遲可續二種之不繼也開到醉醺花事了每
憶此句情興爲之索然

月月紅

俗云人無千日好花難四季紅四季能紅者現有此
花是秋嬌俗言之失也花能嬌俗言之失何人情反
觀其驗乎擬屏之花此爲第一所苦者樹不能高故

此花又名長春。又名閭雪。又名勝春。又名月季。予于
種種之外。復增一名曰斷續花。花之斷而能續。續而
復能斷者。只有此種。因其新開不繁。留爲可繼。故能
綿邈若此。其餘一切之不能續者。非不能續。正以其
不能斷耳。

斷續花

花之命名莫善于此。一蓓七花者曰七姊妹。一蓓十花者曰十姊妹。觀其淺深紅白確有兒長姊妹之分。殆楊家姊妹現身乎。予極喜此花。二種並植。彙其名爲十七姊妹。但怪其蔓延太甚。溢出屏外。雖日刈月除。其勢猶不可遏。豈黨與過多。釀成不戢之勢歟。此無他。皆同心不妬之過也。妬則必無是患矣。族善樂女戎者。妙在使之能妬。

玫瑰

花之有利于人而無害不爲我眉者。薔荷是也。花之

有利于人而我無一不爲所奉者玫瑰是也。茉莉利人之說見于本傳。玫瑰之利同于茉莉而令人可親可溺不忍暫離。則又過之。群花止能娛目。此則口眼鼻舌以至肌膚毛髮無一不在所奉之中。可褰可食。可嗅可觀可插可戴。是能忠臣其身而又能媚子其術者也。花之能事畢于此矣。

素馨

素馨一種花之最弱者也。無一枝一莖不需扶植。予嘗謂之可憐花。

凌霄

藤花之可敬者莫若凌霄。然望之如天際真人。卒急不能招致。是可敬亦可恨也。欲得此花。必先蓄奇石。古木以待。不則無所依附而不生。生亦不大。予年有幾。能爲奇石古木之先輩而蓄之乎。欲有此花。非入泰山不可。行當卽之以舒此恨。

真珠蘭

此花與葉並不似蘭。而以蘭名者。肖其香也。卽香味亦稍別。獨有一節似之。蘭花之香與之習處者不覺。

驟過始聞之。疎而復親。始聞之。是花亦然。此其所以
名蘭也。閩粵有木蘭樹。大如桂。花亦似之。名不附蘭。
而附蘭者。亦以其香隱而不露。耐久聞而不耐急嗅。
故耳。凡人驟見而卽覺其可親者。乃人中之玫瑰。非
友中之芝蘭也。